



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine, na II. nastavku 43. redovne sjednice, održanom 18. marta 2019. godine, usvaja

ZAKON
O IZMJENAMA
ZAKONA O ZASTUPNICIMA SKUPŠTINE BRČKO DISTRIKTA BOSNE I
HERCEGOVINE

Član 1

U Zakonu o zastupnicima Skupštine Brčko distrikta Bosne i Hercegovine (Službeni glasnik Brčko distrikta BiH, brojevi: 29/04, 19/07, 2/08, 17/08, 1/09, 27/14 i 52/17) u članu 13 mijenjaju se stavovi 2, 3, 4 i 5 i glase:

„(2) Predsjednik Skupštine ima pravo na mjesečnu bruto novčanu naknadu u sumi koja će iznositi 100 % mjesečne bruto plate gradonačelnika Brčko distrikta BiH.

(3) Dopredsjednik Skupštine ima pravo na mjesečnu bruto novčanu naknadu u sumi koja će iznositi 100 % mjesečne bruto plate dogradonačelnika Brčko distrikta BiH.

(4) Poslanici Skupštine imaju pravo na mjesečnu bruto novčanu naknadu u sumi koja će iznositi 70 % mjesečne bruto novčane naknade predsjednika Skupštine Brčko distrikta BiH.

(5) Predsjedavajući komisija imaju pravo na uvećanje mjesečne novčane naknade iz stava 4 ovoga člana u visini od 5 %..

Član 2

Član 15 mijenja se i glasi

„Član 15
(Dodatak na novčanu naknadu)

„Dodatak na osnovnu novčanu naknadu profesionalnih zastupnika predstavlja uvećanje novčane naknade po osnovu radnog staža i to kao dodatak od 0, 30 % na osnovnu platu za svaku navršenu godinu radnog staža.“

Član 3

Član 18 se briše.

Dosadašnji član 19 postaje član 18.

Član 4

Ovaj zakon stupa na snagu osmog (8.) dana od dana objavljivanja u Službenom glasniku Brčko distrikta BiH, a primjenjuje se od 1. 7. 2019. godine.

Broj: 01-02-566/19

Brčko, 18. 3. 2019. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**